

建康實錄

七

建康實錄

七

建康實錄卷第十六

齊下

列傳




王琨

何戢

王延之

阮韜



張緒

虞玩之

劉休

謝超宗

劉祥

虞琮

蕭赤斧

劉瓛弟璠

陸澄

張融

周顒

蕭坦之

謝瀟

徐孝嗣

沈文季兄子昭

王慈

陸惠曉

主融

謝朓

孔稚珪

崔惠景

丘靈鞠

檀超




齊宗

諸王元道鈞 道生 鳳 遙光 遙亮 遙昌 遙固

王季之

蔡約

蕭惠基

劉繪

王奂

張沖

文惠太子四男

明帝十一男

裴叔業

陸厥

崔慰祖

祖沖之

賈淵

傅琰

虞愿

劉懷慰

裴昭明

沈憲

孔琇之

褚伯玉

明僧紹

顧歡

臧榮緒

宗測

吳苞

杜京產

徐伯珍

邵榮

吳遠之

樂頤之

江泌

紀僧真

茹法亮

呂文顯

魏虜

王琨瑯琊人祖蒼曾父懌以侍婢生琨初名崑崙懌後娶南陽樂立女無子故名琨立為嗣少謹篤為從伯父司徒謚愛重官至尚書初為吏部郎不受私囑出為建威將軍平越中郎將廣州刺史宋順帝即位

右光祿大夫順帝遜位百僚陪列琨攀畫輪賴尾慟
泣曰人以壽爲歡老臣以壽爲戚旣不能先軀螻蟻
頻見此事嗚噎不自勝百官人人兩淚齊高帝即位
領武陵王師加侍中時王儉爲宰相屬琨用東海郡
迎吏琨使謂曰語郎三臺五省皆是郎用人外方小
郡當乞寒賤省官何容復奪之遂不過其事尋解王
師及高帝崩琨聞國諱牛不在宅三臺數里遂步行
入宮朝士皆謂曰故宜待車有禎國望琨曰今日奔
赴皆自應爾遂得病卒贈左光祿大夫年八十四琨
謙恭謹慎老而不渝朝會必早起簡閱衣裳料數冠
幘如此數四或爲輕薄所笑

何戢字惠景廬江潛人祖尚之宋司空父偃金紫光祿大夫戢尚宋孝武山陰公主主就帝求褚淵內侍淵乃與戢同居餘終不從主意由是厚申情好累至吏部尚書戢美容儀動止與褚淵相慕時人呼爲小褚公初孝武賜戢蟬雀扇善畫人顧景秀所畫時吳郡陸探微顧彥先日能畫嘆其巧絕戢因王晏獻之上令晏厚酬其意年三十六

王延之字希季瑯人父昇之宋都官尚書延之出繼伯父粲之從少靜默不交人事舉秀才累至吳郡守入爲左僕射宋祚衰太祖輔政朝野之情人懷彼此獨延之與王僧虔中立無所去就世人語曰二公

湛平不送不迎太祖晉之出爲安南將軍江州刺史
興阮韜俱是宗領軍劉湛外甥並有才譽湛愛之曰
韜後當爲第一延之次焉延之甚不平遷中書令轉
特進卒子綸之至侍中

阮韜字長明陳

人也晉散騎常侍金紫光祿大夫

裕玄孫也初宋

以武選侍中四人須有風兒王或謝

莊一雙韜與何偃爲一雙常充兼假至始興王師卒

張緒字思曼吳郡人祖茂度會稽太守父演太子中

舍人緒少知名叔

謂人曰此兒今世樂廣也舉

秀才袁粲言於明

曰臣觀思曼有正始之遺風宜

爲宮職拜侍中中

齊建元元年轉中書令王儉嘗

謂人曰北都中

緒過江未有也不知陳仲弓黃

叔度能過之否初

爲益州刺史獻蜀柳數株枝

條甚長狀若絲縷

且於太昌雲和殿前因宴翫

賞咨嗟曰此柳風流

甚似思曼少年以緒爲太

常卿國子祭酒用王延之代緒爲侍中中書令世人

以此選得人比晉朝用王勸代王季琰也世祖位

爲吏部尚書初緒每朝見太祖目送之謂王儉曰緒

以位尊我我以德貴緒緒口不言利家不蓄財不受

私囑若清淡端坐或竟日不食卒年六十八遺命作

蘆葭輜車靈床置杯水香火從弟勸敬重事之如親

兄置酒於靈前酌酒慟哭曰凡風流頓盡子克

虞阮之字茂瑤會稽人祖宗晉庫部郎父玫通直常侍玩之少閑刀筆涉書史官至左丞上表陳府庫錢帛器械用度慮不支月太祖輔政鎮東府朝廷致劄玩之猶躡屐造席太祖取屐視之訛黑斜銳莢斷以芒接之問曰卿此屐已幾載玩之曰三十一年矣初拜征北行佐所買貧士未辦易之太祖善之因賜新屐不受曰著糟口久弊不可捐所以不當殊賜累位驍騎將軍黃門侍郎世俗多巧僞玩之請置校籍官以防之年老有疾請退表曰四十仕進七十懸車壯即驅馳老宜休息知足不辱目知足授命於道消之辰効節於百揆之日忠之勅也慶隆於文明之初

荷方龍飛之運命之偶也不謀巧官而位至九卿
德慚李陵而忝居門下堯舜無窮民日亦通矣年過
六十不爲夭矣榮期之三樂東平之一善臣俱盡之
矣上省表許之東歸王儉不出送朝廷無祖餞者歸
鄉造大宅數年後卒貧外郎孔瑄就儉求會稽五官
儉方與溲投皂莢於地曰卿鄉俗惡虞玩之至死煩人
劉休字弘明沛郡人父超九真太守休初爲宋明帝
湘東常侍轉征北叅軍頗有好尚充嗜飲食休多藝
能爰至鼎味問無不解遂見親賞長直殿內帝素肥
痿不能御內諸王妓妾懷孕者密使獻之入宮生子
乃幽其母順帝是桂陽王休範子蒼梧王亦非帝子

乃陳太妃先爲李道兒妾故後蒼梧王微行每自稱
曰李將軍帝憎婦人妬忌朝官妻有妬者必爲鞭
休妻王氏亦妬帝使人就宅鞭二十後令開小店
王氏賣掃帚皂莢以辱之休卒豫章太守

謝超宗陳郡夏人祖靈運父鳳宋元嘉中因事徙廣
州超宗元嘉末方還好學有文章與惠休道人往來
孝武出策秀孝格五問並得上上作那淑儀誅孝武
見歎曰超宗殊有鳳毛靈運再出爲太祖長史坐公
事免自詣東府門通謝其日風寒慘厲太祖謂四坐
曰此寒工使人不衣自煖矣超宗既坐飲酒數甌辭
出太祖對之甚懽太祖即位轉黃門侍郎在直

省常醉上忽召見語及北方事超宗曰虜動來二十
年佛出亦無奈何以失儀出爲南郡王司馬後以怨
望免官十年禁錮後司徒褚淵送湘州刺史王僧虔
閣道壞墜水僕射王儉牛驚蹠下車超宗撫掌笑曰
落水三公墜車僕射前後言請布在朝野及淵出水
沾濕超宗又笑曰有天道焉天所不容地所不受投
弃河伯河伯不用淵大怒曰寒士不遜超宗曰不能
賣裘絮焉得免寒士以張哥兒女爲子妻帝甚疑之
反收下廷尉一宿髮盡白詔徙越州自盡

劉祥字顯徵東莞莒人父敞太宰從事祥爲宋巴陵
王參軍少好學性剛踈輕言肆行不避高下建元中

司徒褚淵入朝以腰扇鄣日祥從側過曰作如是舉止
羞面見人扇障何益撰宋書譏斥之爲臨川王驃騎
從事初王奐爲僕射與奐子融同載行至中堂見路
人驅驢祥曰驢汝好爲之如汝人才皆可爲令僕矣
著連珠詞十五首以寄懷云希世之寶違世必賤偉
俗之器無聖則淪是以明壁黜於楚岫章甫窮於越
人上令御史任遐奏付廷尉徙廣州不得意縱酒
而卒

虞琮字景豫會稽餘姚人父秀之黃門侍郎琮有謹
行初世祖始爲從事家甚貧薄琮推國士之眷數相
分與行必呼帝同載上甚德之昇明中爲世祖中兵諮

議家富奴婢無游手者雖在南土而會稽滋味無不
畢至及明帝即位琮乃辭疾不陪位帝使尚書令王
晏齎廢立事示琮以琮舊德引叅佐命琮謂晏曰主
上聖明公卿勦力寧假朽老臣贊惟新乎不敢聞命
徐孝嗣曰此亦古之遺直也衆議乃止稱疾篤求東
歸轉光祿大夫卒

蕭赤斧南蘭陵人太祖從祖弟父始之冠軍叅軍赤
斧歷官謹慎爲太祖所知太祖輔政順帝遜位于丹
陽故所立宮上令赤斧監送至薨乃還遷雍州刺史
在官勤奉公事封南里伯永明二年卒家貧無絹爲
衾上聞之轉賻錢五萬材一具布百匹子頴胄字雲長

弘厚有父風起家太子舍人從太祖登石頭烽火樓賦
詩稱旨和帝出荊州以潁胄爲冠軍將軍行荊州事
初雍州刺史梁王起義書與潁胄勸同舉兵潁胄未決
而朝廷使巴西太守劉山陽領兵三千上荊州就潁
胄謀襲雍州梁王又使王天虎等揚聲云劉山陽上
并襲荊雍遂與梁王定謀斬天虎首送山陽發兵及
百姓車牛往襄州山陽上就潁胄潁胄使岷山太守
劉孝慶伏兵斬山陽首送梁王梁王發兵留潁胄知
後事檄告京師永元三年東昏年号正月立和帝於
荊州初荊州大風雨龍入栢齋中柱壁上有爪足剗刺
史蕭遙欣恐不敢居至是南康王寶融立爲和帝遂以

爲嘉瑞殿中興元年三月遷穎川爲中書令領吏部監
八州軍事荊州刺史八月魯休烈蕭瑄破汶陽至上明
荊土尚振穎冑遣軍主蔡道弘上明拒瑄十二月穎
冑憂慮發氣卒和帝密詔梁王報穎冑凶秘不發喪
始年四十及平定聞者天命之有在矣梁天監元年
追封巴東郡公

劉瓛字子珪沛國相人晉丹陽尹恢六世孫父惠治
書御史瓛初舉秀才丹陽尹袁粲坐於後堂指庭前
柳樹謂曰人謂此是劉尹時樹每想高風今復見卿
清德可謂世不衰矣薦爲秘書郎太祖即位累至摠
明觀祭酒會稽郡丞從學者數百人瓛姿狀纖小而

名觀當朝京師士子莫不下席受業璫性謙下不以
高名自處居住檀橋有屋數間上皆穿漏學徒不敢
指斥呼爲清溪焉竟陵王子良親往謁之表世祖爲
立館以揚烈橋故主第給之生徒皆賀璫曰室美豈
爲人哉華字豈吾宅也未徙居遇疾卒年五十六璫
有至性年四十未有婚對後娶王氏尋又出之梁天
監中武帝爲立碑謚曰貞簡先生

弟璡字子敬性方軌正直初爲武陵王晔參軍晔與
寮佐飲自割鵝炙璡曰殿下親執鑾刀下官未敢安
席因起請退嘗與友人孔徹同舟徹留日觀岸上女
子璡舉席自隔不與同坐兄璫嘗夜隔壁呼之璡初